



Lêerno.: 24/3/1/4

Verwysing: 20220804-4892

e-Leer-minuut: 0002/2022

Aan: Adjunk-direkteurs-generaal, Hoofdirekteure, Direkteure (Hoofkantoor en distrikskantore),  
Hoofde: Kurrikulumondersteuning, Kringbestuurders, Adjunk-hoofonderwyskundiges, VOO-  
en AOO-koördineerders, Vakadviseurs, Prinsipale en Onderwysers van alle openbare skole

**Onderwerp: Bekendstelling van die Inligtings- en Kommunikasietegnologie-aanvaardingstrategie (*Information and Technology Adoption Strategy*): 'n Aanlynleerkursus vir skoolbestuurspanne en onderwysers van alle openbare skole wat teen individue se eie tempo voltooi word**

1. Ter ondersteuning van e-Leer se veranderingsbestuursdoelwitte, bied die Wes-Kaapse Onderwysdepartement (WKOD) se Direktoraat: e-Leer die Inligtings- en Kommunikasietegnologie- (IKT-) aanvaardingstrategie aan: 'n aanlynleerkursus vir skoolbestuurspanne (SBS'e) en onderwysers van alle openbare skole wat teen individue se eie tempo voltooi word.
2. Die IKT-aanvaardingstrategie is daarop gemik om 'n transformasionele baan vir SBS'e en onderwysers te skep, en hul deelname aan die integrasie en implementering van IKT in skole te bevorder. Die doel van hierdie ontwikkelingskursus is om deelnemers te help om tegnologieë en IKT in veelvuldige skoolomgewings te aanvaar, d.w.s. administrasie, skoolbestuur en -werkzaamhede, asook die klaskameromgewing (insluitend klaskamers wat vir afstandsonderrig gebruik word).
3. Die IKT-aanvaardingstrategie is in drie fases verdeel: **Fase 1: IKT-sigbaarheid (*ICT Visibility*)**, **Fase 2: IKT-landskap (*ICT Landscape*)**, en **Fase 3: Transformasie-agenda (*Transformation Agenda*)**. Elke fase is verder onderverdeel in fokusareas vir die verskillende fases. Kyk na die tabel wat volg:

Fase	Onderafdelings (Dele)
<b>Fase 1: IKT-sigbaarheid</b>	Deel 1: Algemene gebruik van IKT in die skoolomgewing. Deel 2: Gebruik van IKT in administrasie. Deel 3: Die leerder van die 21ste eeu. Deel 4: Integrasie van IKT in die klaskamer.
<b>Fase 2: IKT-landskap</b>	Deel 1: Infrastruktuur en toerusting. Deel 2: Digitisering en digitalisering. Deel 3: Verstaan veranderende omgewings.
<b>Fase 3: Transformasie-agenda</b>	Deel 1: Transformasie van onderwysers. Deel 2: Transformasie binne skole. (Hierdie deel sal as 'n hibriede model aangebied word en vorm nie deel van hierdie kursus nie, maar sal in 'n later stadium aangebied word, aangesien dit op transformasie van die skool in sy geheel fokus.)

4. Die IKT-aanvaardingstrategie word op die WKOD se Leerbestuurstelsel aangebied. Dit is 'n **aanlynkursus van 24 uur wat teen individue se eie tempo voltooi word**; 14 uur word toegeken om deur die aanlynkursusmateriaal te werk en 'n verdere 10 uur word toegeken vir die onderwyser se individuele portefeuljeprojek (digitale portefeulje vir Aanvaarding en Transformasie (*Adoption and Transformation*)). Die kursus duur **aght weke** (drie uur per week) en begin op **19 September 2022**.
5. Hierdie kursus dien as die eerste vrystelling van die IKT-aanvaardingstrategie. Skole sal in kennis gestel word van daaropvolgende kursusse wat betref kursusherhalings en verdere weergawes van die kursus.
6. Die IKT-aanvaardingstrategie word verdeel in 'n kategorie vir die transformasie van onderwysers en 'n kategorie vir transformasie binne skole. Die kategorie vir die transformasie van onderwysers is deel van die aanlynleerkursus. Wanneer deelnemers hierdie kursus en die portefeulje voltooi het, sal skole waar 'n groot aantal onderwysers die kursus voltooi het, benoem kan word vir deelname aan die hibriede kursus vir die transformasie binne skole kategorie, wat daarop gemik is om IKT te administreer met die oog op transformasie van die skool in geheel.
7. Hierdie kursus is by die WKOD se professionele ontwikkelingsbaan vir onderwysers geïntegreer en vorm die basis vir die WKOD se transformasiestrategie vir e-Leer.

8. Die teikendeelnemers vir die IKT-aanvaardingstrategie is:
  - a. SBS'e wat verantwoordelik is vir aanvaarding en integrasie van tegnologie;
  - b. IKT-kampvegters en IKT-koördineerders by skole;
  - c. onderwysers; en
  - d. WKOD-kurrikulumbeampes, kringbestuurders en verwante ondersteunings- en adviesdienste.
  
9. Registreer vir die kursus via die landingswebblad vir die IKT-aanvaardingstrategie: <https://wcedeteacher.wixsite.com/remoteducation/ict-adoption-strategy> of registreer direk via die skakel: <https://bit.ly/AS-Registration>. Registrasie sluit: **05 September 2022**.
  
10. Die programkoördineerder sal voor die aanvang van die kursus die tersaaklike inskrywingsbesonderhede via e-pos stuur.
  
11. Vir enige navrae, kontak asseblief die tersaaklike distriksadviseur vir e-Leer via die volgende skakel:  
<https://wcedonline.westerncape.gov.za/elearning/elearning-contact-your-elearning-advisor>
  
12. Prinsipale word versoek om hierdie minuut onder die aandag van alle SBS'e en onderwysers te bring.

**GETEKEN:** H MAHOMED

**ADJUNK-DIREKTEUR-GENERAAL: KURRIKULUM- EN ASSESSERINGSBESTUUR**

**DATUM:** 2022-08-08